

# GOVERNING BODY OF MIZO LANGUAGE DEVELOPMENT BOARD, MIZORAM MEETING HMASA BER MINUTE

A hun : Dt. 17.11.2023 (Zirtawpni) Dar 10:00Am  
A hmun : Committee Room, Directorate of School Education,  
Treasury Square, Aizawl, Mizoram  
Chairman : Pu R. Lallianzuala, Chairman,  
Mizo Language Development Board

*Member kal te hming hi Annexure-I ah dah a ni.*

Mizo Language Development Board (MLDB) Governing Body thutkhawmna hmasa ber hi Chairman, Pu R. Lallianzuala chuan a kaihruai a. Meeting kaihruaitu MLDB Chairman chuan hun hlu tak senga meeting a tel member kalkhawmte chungah lawmthu sawina hun hmangin bul a tan a. Kalkhawmte hnenah he Board a din theih nana Sorkar hmalak dan hrang hrang a sawi baw. Hun rei tak atanga Mizo tawng tihhmasawn duhtute beisei leh nghahfak, a taka din a lo ni ta chu lawmawm a tih thu sawiin, he thila Mizoram sorkar hmalakna hrang hrang te chhuanawm a tih thu a tarlang. Meeting kaihruaitu chuan MLDB Chairman hna a zawm atanga tih tur hmasa nia a hriat hrang hrang MLDB office in a bawhzui chhoh dan te, he mawhphurhna a chelh atanga thla 4-na chiaha meeting hmasa ber neih a ni lehzel chu inhmeh hlea a hriat thu a sawi lang baw. Chairman sawmna in MLDB Secretary hnen atang he Board lo indin dan leh a taka hna a thawh chhoh dan report ngaihthlak zui a ni (appended at Annexure – II). Thil pawimawh dang member te hrilhhriatna hun a hman zawh hnu hian, MLDB Act in a phalsak ang taka Co-opted member mi pahnih (2) tun tum meeting-ah hian sawm an nih thu Chairman hian kalkhawm te min hrilh a, tichuan meeting chu rorelnaah a luhpui zui nghal a ni.

Thurelte:

## 1. Meeting minute Saptaunga ziah leh Mizo tawnga ziah chungchang:

MLDB Governing Body meeting hmasa ber chuan MLDB meeting a thurel (meeting minute) reng reng chu Mizo tawnga ziah zel ni se tiin lungrual takin thutlukna a siam.

## 2. MLDB Office hmun tur chungchang:

Mizoram sorkar hnuaia department hrang hrang ten Office hmunhma tur MINECO ram, Khatlaah an dil thin thu hriat a ni a. MLDB hi a te zawnga kal tur ni lo, thang lian zel tur a nih avang leh Mizo hnam leh Mizoram sorkar tan chhenfakawm taka hna thawk tura beisei chhoh mek a nih baw avangin MINECO huamchhungah Office hmunhma tur Mizoram sorkar-ah dil ve ngei ni se tiin lungrual taka pawm a ni. Chairman leh Secretary in meeting-naa report an pek te ngaihthlak a nih hnu in, MINECO, Khatlaah ram awl, Plot No. A-23 leh Plot No. A-28 inkara mi hi MLDB office hmunhma tur atan dil ni se, MINECO Management Committee meeting neih leh hmasak bera ngaihtuah a nih theih nan Administrative Department (School Education Department) kaltlangin General Administration Deptment-ah dilna thlen ni se tiin rel a ni. Helai ram dil tur hian hmun remchang tha zawk dang kan dilna erawh dal lo thung se kan ti.

## 3. MLDB hnuaia Committee peng hrang hrang siam tur ruahmanna:

MLDB Act in a sawi ang leh a phalsak angin he Board hnuaia awm turin tinzawn bik neia hma la tur Committee 3 (pathum) din phawt ni se tha tih a ni a. Chipchiar taka sawi ho a nih hnuaia a hnuaia mi ang hian Committee peng din ni se tiin kan pawm.



- (5)
- i) Grammar Committee
  - ii) Glossary Committee
  - iii) Research & Documentation Committee

A chung a Committee 3 (pathum) kan ruat aţang khian Committee peng tina Co-ordinator leh Secretary tur hetiang hian kan ruat nghal a. Member turte erawh meeting leh hunah rel ni se kan ti.

- i) **Grammar Committee:**  
Co-ordinator : Prof. R.L. Thanmawia  
Secretary : Pu Lalzarzova Khiangte
- ii) **Glossary Committee:**  
Co-ordinator : Pu Rozama Chawngthu  
Secretary : Pu H. Ngurthansanga
- iii) **Research & Documentation Committee:**  
Co-ordinator : Prof. Rualkhuma Colney  
Secretary : Pu B. Lalhmunliana

#### 4. Mizo A AW B (Orthography) siam rem chungchang:

Tuna kan hman mek, Mizo A AW B (orthography) hi siam rem a, ennawn a ţul tawh em tih chungchang sawikhawm a ni a. Hemi chungchang hi chu Grammar Committee in ţul a tih angin Governing Body meeting-ah la rawn chhawpchuak se ţha kan ti.

#### 5. Mizo ţawng 8<sup>th</sup> Schedule a dah leh a kaihhnawih thil dang te:

Meeting chuan Mizo ţawng hi India rama ţawng pui (8<sup>th</sup> Schedule) zingah dah luh ve ngei a duh a. Hemi chungchang hi a ţul ang a zirchiana, bawhzui zel ni rawh se tiin thu dah a ni bawk.

Board Meeting hi Chawhnu dar 12:30 ah tluang takin kan zo va, Chairman-in member zawng zawng te chungah lawmthu a sawi.

  
 (R. LALLIANZUALA)  
 Chairman,

Mizo Language Development Board, Mizoram

**Memo No. F. 20018/1/2023-MLDB : Dated Aizawl, the 17<sup>th</sup> November, 2023**

Copy to:

1. PS to Secretary, School Education Department for kind information.
2. PS to Chairman, MLDB, Mizoram for information.
3. All Members, MLDB, Mizoram for information.
4. All Co-opted Members, Mizoram for information.
5. Guard file.

  
 (VANLALTANPUIA)  
 Secretary,

Mizo Language Development Board, Mizoram